



KOMUNIKADO PA PRENSA

Fecha
28 di yüli 2017

Accountmanager
Jhanirha Da Costa Gomez-Anita

Email
jhanirha.anita@gobiernu.cw

Minister Zita Jesus-Leito i Domeinbeheer ta atendé ku problemática di edifisio bieu di Finansa

Willemstad - Ayera den transcurso di dia a hala atenshon di Minister Zita Jesus-Leito i Domeinbeheer pa ku e estado di e edifisio bieu di Finansa na Concordiastraat, nèt dilanti di Bestuurscollege (BC) bieu. A duna remarke speshalmente riba e echo ku tin varios dokumento di administrashon den e edifisio ku ta eksponé pa bista di personanan ku pasa den besindario. E motibu di esaki ta un buraku grandi ku deskonosín a traha den muraya di e edifisio en kuestión. Mesora Minister Jesus-Leito konhuntamente ku Domeinbeheer a tuma akshon di forma desidido pa trese kambio den e situashon aktual.

Aktualmente tin un tim hasiendo limpresa alrededor di e edifisio bou di enkargo di Domeinbeheer. Lo destruí e dokumentonan menshoná konforme prosedura di gobièrnu. Despues di e limpresa lo saka tur dokumento for di e edifisio i sera e buraku den muraya i tambe tur entrada pa evitá ku malechornan lo sigui shusha i hasi mal uzo den futuro.

Domeinbeheer tin un departamentu speshal ku ta enkargá ku mantencion di edifisionan di gobièrnu. E departamentu aki ta enkargá ku kontrol, restourashon, inventarisashon, registrashon i tasashon di tur e edifisionan aki. Di e forma aki Domeinbeheer ta monitoreá e edifisionan i alabes traha riba e maneho ku ta stipulá uzo di kada edifisio di gobièrnu.